

元代文集  
一四

元代史料叢刊編委會  
主編

元  
代  
史料叢刊  
續編

泰山書社

元代文集 一四

元代史料叢刊編委會 主編

元  
代  
史料叢刊  
續編

黃山書社

劉文靖公文集卷之二十

碑銘

中順大夫彰德路總管渾源孫公先塋碑銘

中統元年 今天子即位草昧一革古制寢復及至  
元改元則建官立法幾於備矣獨御史臺未立於是  
今彰德路總管孫公公亮慨然以為言不報五年以  
言者益衆始立之故首以公為監察御史屢有所彈  
舉天子以硬目之尋出兪山東東西道提刑案察司  
事臺薦其所行知大體遷山北道東道副使既而有  
今命焉予始識公於鎮州於其言論風旨已得其所  
謂良御史者及其子拱與予交則又得其出處之詳

者如此然於其名位赫著子孫蕃衍則疑其必有發  
之者而尚未及知也一日公使拱持書抵予曰先公  
以末世之孤裔奮焉為起家之始祖使公亮輩得有  
所訟襲允以予曾大父及大父勤德利物之所致以  
隱不仕今已不可得而攷其迹矣而先公則資沈鷺  
豪宕重然諾好施予年十六七已有志於功名值金  
真祐之變即欲應募為兵其親或難之因逃去謁西  
京帥謀年以驍勇得近幸時金主南遷謀年帥欲有  
所奔問而難其人公感激請行見金主於真定得報  
歸往復二千里甫七日及西京內附國朝所置守帥  
馬侯熱其瞻略表授義軍千戶尋復董平山府甲工

從軍潞州之役力出其伯父戚族兄公政于俘虜鳳  
翔之後太宗詔從臣分誅居民違者以軍法論報  
歎曰誠能脫衆人死實不愛一身况主上見問必  
有以對而未必死耶遂盡匿已所分者河南之役汴  
既降仍不聽居民自出日餓死不可計遂請於大帥  
速不可以渾源名族如御史雷氏同知均州樊氏張  
具瞻馬正卿王仲賢王祿楊王者數十家而出且護  
而歸之鄉里先夫人杜氏亦嚴正有法平山府有妄  
告工人變者皆力為營採之賴以全活者甚衆此皆  
見之太常許君靖所錄行實又鄉先賢之所撰紀而  
先塋下棺之碑則無以銘之惟有以待乎子之言以

信於後人也按孫氏世為州之橫山人公之曾大父  
某娶何氏四子慶祐慶文慶元祿和慶文則公之大  
父也娶趙氏有婦德二子威平平早世威即公之考  
也夙巧慧少出入戰陣每患世之甲冑不堅壽其婦  
兄杜仲則考工記所謂燕人能為函者因密得其法  
且能創蹄筋翎根別為之太宗親射之不少貫寵以  
金符故其從征邠乾諸州也見其攻拔不避矢石帝  
勞之曰汝縱不自愛獨不為甲冑惜乎又命諸將衣  
其所進甲冑之曰汝等孰所愛重諸將各以意對帝  
皆不之許曰能扞蔽爾以與我國家立功名者非此  
人之甲耶顧無以之對者何也復以錦衣錫之前後

所領平山安平諸工人皆俘虜之餘殆少生意數為表給衣廩子女以勸之諸工人至今感之如父母年若干終于平陽河南懷州順天諸路工匠都總管帝聞為嗟恨久之杜氏年八十八下及五世孫疾公卒其子拱檄振等諸孫謙諧誼等以問見公佩金虎符拱檄皆佩金符曰吾家起寒微今一門貴盛但當竭忠勤以報國家爾言竟卒嗚呼當大變故夫人之與氣運而升降者以人視之非必盡有所以致之者而其予奪之間又未必盡得其平也疑若一出於偶然而已抑不知人之所見者以一世為終始固不能如天之所見者之久且速也予固知孫氏之有以發

之者也然而公未老事業尚未既而拱有才氣謙既以能世其業而奏隸東宮而諧亦穎悟予他日又可以致其淺深厚薄於此也銘曰

昔龍之山有晦而淪必孫氏之先蓋有嗟其屈者謂天道之或愆今睇其華貴及立原亦有嗟者謂賦與之或偏彼嗟者愚不究其終而不探其源孰馭龍山遊萬物巔渺下視乎神川歷百世而循一環不輕不軒而得夫造物者之權玄鐵符握黃金色寒翠屏雷裂瀚海雲龍有物滂蓋再造坤乾有惻天心莫抹其然孰其庇之孰其翼之於此時而保全素此時而騰騫孰其誘之孰其相之人皆嗜殺我獨惕焉惟山西



之名傳史曰雷然與劉雲郁手相輝一代人門惟將  
作君武臣桓桓有子如公復與雷劉之子而駉馬聯  
翩相彼根株有此蔓延窮天地物極天地年又安有  
不定之天夏蟲疑冰孰大其觀後之嗟者示此銘言

懷孟萬戶劉公先塋碑銘

至元十一年詔大丞相伯顏領諸將兵伐宋有志之  
士咸喜乘此際會思效計勇以自奮是時今懷孟萬  
戶劉公潭以世襲上百戶攝行千戶事將七百人屬  
今尚書右丞史公格由西道進是年渡江以攻下一  
堡生得將二人攻沙市先登加忠顯校尉遷總把明  
年以攻下十餘堡生得將十人攻潭州先登加昭信

校尉明年以略定柳賓邑三州生得將一人攻靜江  
先登賜銀符加武略將軍為真千戶明年以攻下鬱  
林化二州略定廉欽高雷四州生得安撫使二人將  
四人加武德將軍明年以從平章政事阿里海牙過  
海略定瓊州降大將六人賜金符加宣武將軍邊總  
管守瓊州又以略定萬安軍攻下黎洞一百二十所  
降大將三人賜虎符加顯武將軍明年又以略定言  
陽昌化二軍諸洞寨加明威將軍為萬戶兼安撫使  
鎮海摠討使守瓊凡九年以民夷既定來朝京師遂  
加廣威將軍授今職移鎮嚴州國朝兵制尚質其將  
帥皆以所統戶數名故有百千萬戶三等其符節亦

金銀虎符亦三等又於百千之間置總把千萬之間  
置總管以為遷拜旌賞之漸其許佩符節子孫襲職  
二事則惟將帥得之故將帥在今為美官而至佩虎  
符為萬戶則又為最貴矣公自以階襲至此過家上  
塚圖報先澤以近世多刻石先塋叙先世名跡如古  
先廟碑者乃再拜以事狀來請按顯曾祖考諱德安  
隱居不仕妣張氏楊氏顯祖考祁陽府君諱寶姿幹  
奇偉氣略過人當金貞祐主棄河朔徙都汴時有張  
甫者據信安武仙者據真定皆為金守易定之間大  
為所擾而蔡國張公柔開府滿城九州縣來歸者皆  
承制封拜今各城守相為應援以禦敵乃以祁州為

祁陽府令左副元帥賈公輔行帥府祁陽以府君為  
行府右監軍仙軍嘗攻深澤新樂二縣府君將兵往  
採大敗仙軍二縣之人賴以安全後仙將柴姓者襲  
取冀州府君從張賈二公往採之時天大雪深三尺  
與柴軍遇張公陷雪馬倒為柴所逼府君以一矢斃  
之柴軍逃潰而張公獲免上府君功授宣武將軍祁  
陽府通判再遷總管後以年老致仕優游鄉里享年  
若干妣李氏楊氏姜氏顯考蒲陰府君諱世鼎以蔭  
補蒲陰尉後以良家子從軍特授上百戶戍亳嘗以  
主帥命將五千人攝府事攻荆山身先士卒不避矢  
石竟被創而廢享年若干妣齊氏張氏三世皆葬祁

州浦陰之北端百長原其宗支別有圖列碑陰銘曰  
自北而南天開元基遼漸燕垂金莫淮夷厭分裂耶  
孰撤藩籬白鴈一舉橫絕天池彼瘴海兮蔽鯨鯢巨  
豷如城兮尾如旗安得壯上兮驅而守之矯惟劉公  
熊羆虎豹奮鬪一呼黎山為摧強黎是讎罷民之依  
彼祥雲瑞日固為可喜不有風霆孰行天威方挽強  
是賴而一字奚施我聞瓊人劉公之思相彼甘棠根  
株在茲乃今燕趙如唐山西或一矢斃敵赴主將之  
難或百戰致命合荆山之圍蓋三世受射而後出益  
奇語彼瓊人有耒京師道出于祁黃蕉丹荔當一酌  
劉公先塋之碑

明威將軍後衛親軍總管李公先榮碑銘

至元十七年丞相伯顏以舊所領諸將中四人見  
皇太子曰此皆臣牧江南時渡江水戰攻城略地為  
國家盡力命臣所親見者是時天下事聽

皇太子處置乃命四人者無外補可使將侍衛親軍  
仍賜食殿中今致仕後衛總管清苑李公其一也公  
便騎射材藝過人雖自幼以宦家子從軍為將校然  
每喜與士大夫遊且其居近予故聞其勲爵行事也  
習壬戌 憲宗南征將兵隸史忠武公至巴州能却  
敵攻諸柵先登至崇慶卒遇敵江峽奪戰艦中統元  
年 今上北征復將兵隸忠武至吉河三年奎璋叛

將兵隸張勇烈公圍濟南日夜與賊戰獲賊衆十餘人明年詔河南統軍略地荆南將勇敢分攻堅柵多所克拔九年圍襄陽十一年丞相伐宋為衛前將至鄂州部所將引戰艦入至郢州夜奪浮橋攻沙陽新城二柵先登渡江將勇敢水軍首與敵遇取旗奪戰艦甲仗既渡能盡却所當守岸兵復入江順流追奔至白虎山明年取真州能退敵焚其舟時敵將夏貴水軍陣巢湖勢不可犯能破其堅奪旗鼓戰艦取常州將勇敢先登拔其城又略定蘇秀二州此其功憲宗時中書右丞闕公子清牒為百戶中統二年璽書遷總把錫以銀符至元十一年軍職例加散官授

敦武校尉十三年遷武略將軍錫以金符為千戶十  
五年加武德將軍再加宣武將軍為總管十七年遷  
明威將軍為後衛親軍總管後例減總管復為千戶  
凡六被璽書再授符節 憲宗南征時詔賞白金一  
錠北征時 今上賞錦衣一襲圍濟南時親王為大  
將者賞白金半錠渡江時丞相賞馬一疋白金一錠  
此其爵賞下濟南出謀為賊所汙者數十人死拜衛  
率讓其同列先已寔後補此其行事公知予習聞是  
謂予曰凡此皆藉先世今思報效而先塋近在縣之  
臨水里考品制得樹碑願刊先世名行使子孫知仁  
祐今日者有所自皇考諱義大元開國時從楊甲立



相保南甲為李丙所害乃慨然以義動眾共殺丙以  
復所事讎其眾遂推為長後大帥山赤丹略地燕南  
乃以眾歸之朝廷賜以璽書金符俾就領其眾為權  
府如古留後天下既定乃浮沈里社年八十二終請  
書是為銘予按司馬遷自序多及已蓋史家變例故  
公勲爵亦宜附見以榮先世公諱仁祐字安鄉男一  
人曰元襲公職女一人嫁僉行樞密院事王公之子  
守銘曰

吁其好還卧榻不容白鴈載飛于彬益雄有翼而從  
咸第其功南至于江淮北至于沙漠東至于青齊西  
至于巴庸惟公而平預折四衝當酌以告其先曰疇